

geschreife hefft vmen Twe hunderth fichten Ranen³⁾ vnd dath men De hir Solde lathen Durchbarenn tho Der Waterkunsth up ith Schloth tho kopenhagenn tho Bringende Durch angefinde⁴⁾ Jacob Diderick Eyn Burger von Danczigk. — Also is nw Disse Jacop Diderick hir gekomen vnd hefft my ock munthlick Dar van gesecht also weth he vnd Ick nw nicht wo de Dyngge vorthonemende Sthan vnd Szo vththorichtende na Iwer kon. Maj. wyllen vnd Bager⁵⁾ vnd Dar weth Ick ock keynen Radt tho.

Also hefft Disse Jacop Diderick hir vnd Ick ock lathen fragen na Solcken fichten Ranen von dortich⁶⁾ foth lanck Also wyllen se De lude nicht vnder eynen Jachimdaler vorkopen vnd Dartho sinth hir nicht fele Ranen tho bokamen De tho Solcke Wather kunsth denen vnd dartho hefft Jacop Diderick vnd Ick ock mith meysther Hans gespraken De de pompen offthe⁷⁾ Roren hir plecht tho baren De wyl nicht myr nemen van dem Ranen tho Baren Den voffteyn grasschenn vnd des wolde elck⁸⁾ Rane wal kosthen viif grasschen By de wather mole tho foren vnd Dartho kan de sulffige meysther Hans nicht finden achte offthe negen gode Ranen under eynen Schock De tho solcken Roren tho Der wather kunsth Denen wo he Dath Jacop Diderick vnd my angesecht hefft.

Des moth men ock hebben tusschen elcke Twe Ranen eyne Iserne Bosse⁹⁾ de wyl hir ock kosthen eyne grothe marck offthe twyntich grasschen prusch¹⁰⁾ Dath denne tho grothen gelde lopen wolde vnd wen Ick offthe eyn ander Solcke Twe hunderth fichten Ranen offte Roren Boreyth liggende hedden Szo Sehe Ick hir kein Schip tho krigen De solcke Ranen offte Roren van Dortich foth langk In den Sunth worde foren it stucke vnder eynen Jachimdaler Dath Denne sere groth vnd altho fele gelth kosthen wurde vnd Ick weth dartho nicht offthe ock Jacop Diderick de sulffige wather kunsth wo he de Iwer kon. Maj. angegefe hefft tho maken vnd tho follen bryngen worde.

3) = Rahnen, Ranen, eigentlich vom Wind gebrochene Bäume. Vgl. Sattler, „Handelsrechn.“ S. 238,29; 291,19.

4) angefügten od. angeführten.

5) Begehren.

6) dreißig.

7) of, oft, ofte = oder (Niedersächsisch.)

8) elk im Niedersächsisch. = ein jeder, jeglicher. Vgl. Brem.-Nieders. Wörterb. I S. 303. Hier wohl = solcher, solche.

9) = Büchse; so heißen die eisernen Ringe in den hölzernen Röhren der Wasserleitungen, wodurch zwei Röhren mit einander verbunden werden; vgl. Adelung Wörterb. s. v. Büchse.

10) Preußisch.